



Senin, 24 Mei 2021

Ogen: Matius 28:19



"Erberita Alu Kesah Si Badia"



Ibas renungen wari enda, lit piga-piga penungkunen si mabai kita berefleksi nandangi bahan renungenta sendah. Penungkunenna eme: *pang nge kam sedekah enda nuriken kerna kata Dibata man jelma sideban? Nggit nge kam notoken kalak si la bagi ukurndu, nggit nge kam lawes ku ingan si ndauh guna ngelai jelma sintrem? Enggo nge kam pernah jadi salah sada pengurus bas kategorial, ntah pjj ntah serayan Tuhan nge kam? Piga kali ibas sada wari kam ngoge Pustaka?* (mari ulihi sekali nari penungkunen i datas ras jababndu bas pusundu).

Temata sendah, *erberita alu Kesah Sibadia*. Penungkunen i datas jadi sada bahan refleksi man banta ibas kita muat bagin erberita alu Kesah Sibadia. Ope denga kita erberita, mari sigejapken uga nggo sedekah enda caranta erberita ibas inganta nari. Ugange sedekah enda, pendahinta i tengah-tengah gerejata lenga ncidahkan kita jadi sekalak perberita simeria? Erberita e labo enca nuriken kerna kai si tersurat bas Pustaka Si Badia tapi arah lagu langkah rikut ras dahinta tep-tep wari pe banci encidahkan kita erberita.

Erberita alu Kesah Sibadia mabai kita nggeluh ncidahkan Surat Kristus bas kegeluhenta. Matius 28:19 mereken tugas ras tanggungjababta selaku kalak sitek man baNa. Tugas ras tanggungjabab enda jadi sada perintah si wajib idahiken sebab nggo iberekenNa man banta kegeluhen ras kerina siiperluken bas doni enda. Emaka lanai lit alasenta la ndahiken dahin si mbelin e apaika ndahikencu alu terpaksa ntah pe jungut-jungut. Mungkin lit bas kita simbiar denga, ntah la ngangkai kerna erberita enda, emaka iperlengkapina kita alu Kesah Si Badia singajari, simereken pemete, singkawali kita gelah ngasup kita erberita alu kesah Sibadia. Enda me pendilo arah Dibata nari nandangi kalak si tek baNa.

Ersikaplah katawari paksa pe bas ndahiken dahin e. Erberitalah alu tutus. Kuasa Kesah Sibadia la pernah nadingken kita ibas kita erberita. Ertotolah, akuken i lebe-lebe Dibata, nggit kam erberita ibas katawari paksa pe. *(ope denga itutup alu pertoton, ngeranalah guna ngakuken pengakunndu jd perberita. Pindolah penampat Kesah Sibadia, enda me jadi perenungen ras refleksi ibas 1-2 menit guna pengakunta pribadi.*